



QANERCETAARVIGKUN NALQIGUCIYARAQ

CAUGA QANERCETAARVIGKUN NALQIGUCIYARAQ?

Piyunarcuqcingqertuten qanercetaarvigkun nalqigciyamek imirallren ikayurcetaarviim picirkiuraa cangakekuvgu. Imirallren yuvrircecugngaana qanercetaarvigmi ikayuuteten ilangangqakata, arulaircecimakata, ciuniurumanrilkata, wall'u ikayuuten iquklicimakan.

KINA APELCIRYUGNGAA QANERCETAARVIGKUN NALQIGUCIYARAMEK?

Kina imna cangayuutengqerquni ikayuutmi tungiinun ellimeriyugngauq qanercetaarvigkun arenqiirtuusqelluku cangayuutni.

QAILLUN IKAYUNGCARYUGNGASIA?

SNAP-angtulit MEDICAID-angtulit-llu ikayungcaryugngaut calistenun tungaunaten ullagluki, qayagauruku, wall'u igarluki; Allat igatgun kiingan ikayungcaryaraugut.

QAILLUN PITALRIAMEK CUQYUTENGQERTA IKAYUNGCALLERKAQ?

Supplemental Nutrition Assistance Program (SNAP) – amek unangetulit cuqyutengqertut pingayun iralut pellugpailgata ikayuun ikirqaanranek. Allat cuqyutengqertut ataucimek iralumek.

QANERCETAARVIGKUN NALQIGUCIYARAMEK IKAYUNGCAQUMA CA PICIQA KINGUAKUN?

Ikayurcetaanunakumarikan, Office of Administrative Hearing (OAH)-aam igamek tuyurciqaaten nani quyurtellerkamek sassaa-llu, cali qayagaurcuutekun qayagaurarkan quyurtemi uitasciigalkuvek. Igaq tuyuqumaciquq erenret qulungurpailgata quyurtellerkaq upingaqelluten.

CAUGA QUYURNARIVAILGAN QUYURARTELLERKAQ?

Quyurnarivailgan quyuruarcugngaaten calistet cangayuutevnek ikayungcauten pitekluku. Iliini quyurartaqamek quyurnarivailgan elluarilartuq cangayuun qanercetaarvigkun-llu nalqigucarairulluni. Quyurartellrem cimringaitaa qanercetaarvigkun quyurtellerkaq. Taugaam cangayuuten elkarimarikan, qanercetaarvigkun quyurtellerkan taq'icugngaana.

CA PITEKLUKU QUYURCUUMIICIIQAT QANERCETAARVIGKUN?

Calistet quyurucuumiiciiqatgen:

1. Erenret pelluumarikata ikayungcallerkamun,
2. Taq'iskuvgu ikayungcallren,
3. Anguyagtem wall'u State-am picirkiuraa maliggluku elkarcimakan cangayuuten, wall'u
4. Cangyuuten calistet caliarkaqaenrilkatgu.



CANEK PIYUNARQUCINGQERCET CIUNGANI NALLIINI-LLU QANERCETAARVIGMI?

Ukunek piyunarqucingqertuten quyurtem ciungani nalliini-llu:

1. Yuvrirluki kalikaten.
2. Avaliqluki tamalkuita kalikat quyurtemi aturyulriit. Ilakluki cangayutevnnun tusngalriit calistet atutukait elkarciagameng ikayuutvet tungiinun.
3. Elpenek nasvagyugngaang cangayuuten wall'u ikayungcarluten elisngalriamek nallunrilngurmek cangayuutvet tungiinun.
4. Malilgurluten nallunairistekavnek paivciluki-llu calistet cangayuutevnnun nall'arusngalriit.
5. Paivvluki picilriit kiuteten ikayuutnguarkat nalqigucikuvet ikayuutevnnun.
6. Apyutekluki ingluliurluki-llu qanrutkumalriit paivcimalriit-llu calistet manillriit, cali cauluki apqauryugngaluki calistet paivcillret qaqiutellermegnek.

QANERCETAARVIGKUN-QAA NALQIGUCIYARAQ ALERQUUTENGQERTUQ?

Qanercetaarvigkun nalqiguciyaraq qanercetaarutngunrituq. Alerquutaunani arulacimaciquq Cuqcista, DPA-m nangerngastii, elpet wall'u nangerngasten uitaluteng.

Ungucingumanrilngerpeki alerquutet canrituq. Munarcaaraulluku cangayuuten caliaqumaciquq elluarillerkaanun. Cuqciystemun kalikaten umyuartequtesqumakuvki tuyuqekiki wavet:

Office of Administrative Hearings
550 W. 7th Ave., STE 1940
Anchorage, AK 99501

CALARTA CUQCISTA?

Cuqciystem arulaciiqaa qanercetaarvigkun nalqiguciyaraq nallunairluteng-llu igakun camek qaqiutellerminek. Igaq imangqerciquq camek qaqiutellerminek, ciin tuaten qaqiucimacianek, cali alerquutet picirkangutet-llu maligtellni.

NAKEN AKILICARAILNGURMEK ELISNGALRIAMEK IKAYURKANGYUGNGASIA?

Elpenek nangerngacungngauten wall'u ellimeriyugngauten nangerngacestekavnek. Akilicarailnguum alerquayugngaaten nangerngascirluten-llu ukut qayagauquvki Alaska Legal Services Corporation wani: (907) 272-9431 / 1-888-478-2572.

ATATAKUCUGNGAUQ-QAA QUYURTELLERKAQ?

Piyunarqucingqertuten ellimerulluku quyurtellerkaq atatakucesqelluku **ataucirqumek, iraluq** ciptevkenaku.



Alaska Department of Health
Division of Public Assistance

QAILLUN PITALRIAMEK UTAQACIQSIA?

Office of Administrative Hearing (OAH) – aam arulatarkaugaa quyurun, nallunairluten qaqiutellermeggnek, ernerneq cikirluten **akimiarni** ernerni quyurutkenqigcukuvgu qaqiutellrat ciuniunrilkuvgu, cali nallunairluten qaqiucimarilriamek:

1. **Malruk iraluk** iluani SNAP-aneq unangetulit
2. **Pingayun iralut** iluani allaneq ikayuutnek unangetulit.

Nakmikekatgen, ikayuuteten kitugciiqait erenret qulen iluatni.

Qaqiucimarilriim cuqkiuraa kinguqvaqaniumaciqq atatakutellrem erenri naaluki, wall'u elpet uitaqaasqumakuvgu.